



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

26 FEBRUARI 2021 (JUMAAT)



KERATAN AKHBAR DAN MEDIA ONLINE (KPDNHEP)

26 FEBRUARI 2021 (JUMAAT)



Anggota penguatkuasa KPDNHEP Johor melakukan operasi pemeriksaan di premis runcit dan borong LPG.

141 tong gas dirampas

Aktiviti jualan berselindung di sebalik bengkel kenderaan elak pihak berkuasa

Oleh Omar Ahmad
bhnews@bh.com.my

Johor Bahru: Kementerian Perdagangan Dalam Negeri dan Hal Ehwal Pengguna (KPDNHEP) merampas 141 tong gas petroleum cecair (LPG) serta masing-masing dua lori dan motosikal dianggarkan bernilai RM66,228 dalam serbuan di sebuah premis dekat Taman Daya, di sini, kelmarin.

Serbuan jam 3 petang ke atas premis berselindung di sebalik bengkel kenderaan dan kedai tayar itu hasil risikan dua minggu.

Ketua Pegawai Penguatkuasa KPDNHEP Johor, Mohd Hanizam

Kecheh, berkata siasatan awal mendapati premis itu turut dijadikan sebagai tempat penyimpanan tong LPG melalui pintu belakang.

"Aktiviti penjualan dan pengedaran gas ini berselindung di sebalik bengkel kenderaan, dipercayai untuk mengelirukan pihak berkuasa.

"Tindakan diambil mengikut Akta Kawalan Bekalan (AKB) 1961," katanya.

Beliau berkata, pemeriksaan memfokuskan kepada penguatkuasaan mengikut Akta Kawalan Harga Dan Anti Pencatutan (AKHAP) 2011 dan AKB 1961.

Katanya, ia berkaitan dengan pematuhan penjualan LPG mengikut harga kawalan dan juga kebenaran menjual melalui lesen yang dikeluarkan oleh KPDNHEP.

"Berdasarkan rekod, sebanyak 210 premis diperiksa anggota penguat kuasa terhadap peniaga runcit dan borong yang menjual LPG di negeri ini sejak 18 Januari lalu hingga semalam (kelmarin).

"Hasil pemeriksaan, 14 kesalahan dengan 13 daripadanya gagal mematuhi Perintah Kawalan Harga dan AntiPencatutan (Penandaan Harga Bagi Barangan Dan Caj Bagi Perkhidmatan) 2020 kerana tidak meletakkan tanda harga di kesan dengan kompaun dikeluarkan RM7,000," katanya.



Jual LPG tanpa lesen dalam bengkel

KPDNHEP Johor bongkar kegiatan terbit yang berselindung di sebalik bengkelbaiki kenderaan

Oleh ZULHISHAM ISAHAK

JOHOR BAHRU

Penguat kuasa Kementerian Perdagangan Dalam Negeri dan Hal Ehwal Pengguna (KPDNHEP) Johor pada Rabu membongkar kegiatan perniagaan menjual gas petroleum cecair (LPG) tanpa lesen sah yang berselindung di sebalik bengkel membaiki kenderaan dan tayar.

Ketua Pegawai Penguat kuasa KPDNHEP Johor, Mohd

Hanizam Kecek berkata, kejadian itu adalah hasil risikan penguat kuasa selama dua minggu.

"Premis yang dilihat sebagai bengkel membaiki kenderaan serta tayar disyaki cuba mengelirukan pihak berkuasa dengan menjalankan aktiviti penjualan, pengedaran dan menjadikan tempat simpanan bagi tong LPG melalui pintu belakang premis.

"Tindakan diambil di bawah Akta Kawalan Bekalan (AKB) 1961 dengan jumlah nilai rampasan sebanyak RM66,228 dalam satu operasi khas di daerah ini," katanya dalam satu kenyataan di sini pada Khamis.

Beliau berkata, selain premis itu, KPDNHEP Johor juga melaksanakan operasi terhadap premis runcit dan borong yang menjual LPG di seluruh daerah di Johor.

Pemeriksaan katanya, memfokuskan kepada penguatkuasaan di bawah Akta Kawalan

Harga Dan Anti Pencatutan (AKHAP) 2011 dan Akta Kawalan Bekalan (AKB) 1961 berkaitan pematuhan penjualan LPG mengikut harga kawalan.

Jelasnya, ini termasuk kebarangharian menjual melalui lesen yang dikeluarkan KPDNHEP.

Berdasarkan rekod, katanya, sebanyak 210 premis diperiksa KPDNHEP Johor ke atas peniaga runcit dan borong yang menjual LPG mulai 18 Januari lalu hingga Rabu.

Susulan pemeriksaan yang dijalankan, beliau berkata, terdapat 14 kes direkodkan di bawah Akta Kawalan Harga dan Anti Pencatutan (AKHAP) 2011 dan Akta Kawalan Bekalan (AKB) 1961 dengan jumlah kompaun bernilai RM7,000.

"Sebanyak 13 kes membatikan kesalahan gagal mematuhi Perintah Kawalan Harga Dan Anti Pencatutan iaitu Penandaan Harga Bagi Barangan dan Caj Bagi Perkhidmatan



Penguat kuasa KPDNHEP merampas LPG tidak mempunyai lesen yang sah dalam operasi khas sekitar Johor Bahru pada Rabu.

2020 kerana tidak meletakkan tanda harga kepada barangan yang dipamer untuk jualan.

"Satu kes lagi gagal mematuhi Peraturan-peraturan

Kawalan Bekalan (PPKB) 1974 iaitu memiliki, berurusan dengan barang kawalan berjadual secara borong atau runcit tanpa lesen," katanya.



Taktik cuci gred ke-2

MDA KKM rampas 86,981 sarung tangan getah bernilai lebih RM24k



ANGGOTA penguat kuasa memeriksa sarung tangan yang sedang dibasuh di premis berkenaan.

Oleh Redzuan Muharam
redzuan.muharam@hmetro.com.my

Bangi

Mencuci sarung tangan getah terpakai dan tidak melepasi kualiti dengan pengilat tayar, cecair peluntur serta nila sebelum dijual semula secara dalam talian dipercayai bagi mengaut keuntungan mudah.

Bagaimanapun, tindakan keji pekerja pusat pemprosesan sarung tangan getah di Seksyen 13, Bandar Baru Bangi di sini, terbongkar selepas premis terbabit diserbu, semalam.

Serbu dilakukan sepasukan anggota dan pegawai penguat kuasa Majlis Perbandaran Kajang (MPKJ) diketuai Pengarah Jabatan Penguatkuasaan, Shariman Mohd Nor pada jam 10 pagi.

Menurut Shariman, serbu itu dijalankan hasil maklumat daripada orang awam dan siasatan awal dijalankan mendapati premis terbabit beroperasi sejak tiga bulan lalu.

Katanya, MPKJ menyita



DERY Akmal (kiri) dan Penolong Pengarah Kanan Penguatkuasaan MPKJ, Azirin Azali Ramli (kanan) memeriksa sarung tangan yang dirampas.

premis itu manakala Pihak Berkuasa Peranti Perubatan (MDA) Kementerian Kesihatan Malaysia (KKM) merampas 86,981 sarung tangan getah berhilai lebih RM24,000 terbabit untuk siasatan.

"Hasil pemeriksaan mendapati terdapat sebuah mesin basuh, seunit alat pengering dan pembilas pakaian di dalam premis berkenaan.

"Premis ini menggunakan khidmat pekerja asing dipercayai warga Bangladesh dan Myanmar namun kelima-lima mereka sempat melarikan diri ketika serbu dilakukan.

"Sebahagian sarung tangan getah ditemui mempunyai kesan kotoran, tetapi dibersihkan semula sebelum dibungkus di dalam kotak dan dijual di platform dalam

talian pada harga RM18.80 hingga RM22.90," katanya selepas operasi berkenaan, semalam.

Turut serta dalam operasi itu Kementerian Perdagangan Dalam Negeri dan Hal Ehwal Pengguna (KPD-NHEP).

Sementara itu, Penolong Pengarah Kanan Unit Penguatkuasaan MDA, Dery Akmal Abdul Rahman berkata, sarung tangan getah yang diproses itu diperolehi daripada pembekal tempatan.

Katanya, ia dikategorikan sebagai gred kedua kerana tidak melepasi ujian kawalan kualiti, namun menggunakan jenama sarung tangan untuk perubatan pada bungkusan kotak.

"Kami ada menjalankan soal siasat dengan pemilik premis yang mengaku menjual sarung tangan itu secara dalam talian dan walk-in iaitu pelanggan boleh datang terus ke premis untuk membuat pembelian.

"Terdapat kesan kotoran dan kerosakan pada sarung tangan terpakai berkenaan. Semua dirampas untuk siasatan lanjut," katanya.

HARI	:	<u>JUMAAAT</u>
TARIKH	:	<u>26/2/2021</u>
M/SURAT	:	<u>16</u>

Senarai Harga Barang Koperluan	
• Ayam	RM5.90
• Daging Lembu Tempatan	RM34
• Daging Lembu Import	RM18.90
• Telur Gred A	RM9.30
• Ikan Kembung	RM8.99
• Minyak Masak	RM5.30
• Gula Pasir	RM2.20
• Bawang Besar Holland	RM2.99
• Bawang Putih	RM5.99
• Cili Merah	RM7.99
• Kubis Tempatan	RM2.90
• Tepung Gandung	RM2.15

*Harga (RM/kg) Sumber: KPDNHEP



**KERATAN AKHBAR
DAN MEDIA ONLINE
(BERITA UMUM)**

26 FEBRUARI 2021 (JUMAAT)

'Bersatu tak boleh nak buat apa'

Oleh ASLINDA NASIR
aslindanasir@mediamalaysia.com.my

PETALING JAYA: Parti Pribumi Bersatu Malaysia (Bersatu) tidak boleh berbuat apa-apa sekiranya UMNO berasakan parti itu sebagai 'abang besar' atau *big brother* berhubung jalinan kerjasama antara kedua-dua belah pihak menjelang Pilihan Raya Umum Ke-15 (PRU-15).

Pengerusi Bersatu Hulu Terengganu, Datuk Rosol Wahid berkata, pihaknya mencari jalan terbaik untuk membuat rundingan semula dengan UMNO supaya dapat bekerjasama dengan parti itu.

"Bagi kita, isu kerusi itu nombor dua. Yang utama adalah kesepakatan. Bersatu amat terbuka. Kita memang tak berani, tetapi kalau ajak bergaduh, kita tak lari," katanya ketika dihubungi *Utusan*



MAZLAN BUJANG

Malaysia, semalam.

Mengulas perkara sama, Ketua Bersatu Bahagian Tebrau, Mazlan Bujang berkata, meskipun

kedua-dua parti dilihat keras dan tidak mahu bertolak ansur, beliau percaya satu kerjasama terhasil menjelang PRU-15 bagi mencapai matlamat yang sama iaitu membentuk kerajaan.

"Saya hormati demokrasi yang diamalkan UMNO. Kita lihat perkara itu sebagai suatu perkara yang matang. Yang membuatkan UMNO tidak mahu bekerjasama dengan Bersatu adalah kerana perebutan kuasa.

"Tetapi orang Melayu bila dah terdesak ni, mereka akan bertaut. Ini adalah politik, bila-bila masa boleh berubah. Masa masih panjang, kita tunggu dan lihat," katanya kepada *Utusan Malaysia*.

Beliau berkata demikian bagi mengulas keputusan Majlis Kerja Tertinggi UMNO yang dilaporkan menolak kerjasama dengan Bersatu.



“Yang utama adalah kesepakatan. Bersatu amat terbuka. Kita memang tak berani, tetapi kalau ajak bergaduh, kita tak lari.”

ROSOL WAHID